

დამტკიცებულია  
ა(ა)იპ საქართველოს საპატრიარქოს წმინდა ნინოს სახელობის მართლმადიდებლური სკოლის  
აღმასრულებელი დირექტორის 2023 წლის 1 დეკემბრის სN 132 ბრძანებით

ა(ა)იპ საქართველოს საპატრიარქოს წმინდა ნინოს სახელობის მართლმადიდებლური სკოლის  
პერსონალისა და მშობლის/კანონიერი წარმომადგენლის  
კანონიერი უფლებების დაცვის მექანიზმები

2023 წელი

## თავი I. მოსწავლის მშობლის/კანონიერი წარმომადგენლის უფლებები

### მუხლი 1. ზოგადი დებულებები

1. სკოლა არის ადგილი, სადაც რეალიზდება ბავშვის ერთ-ერთი ფუნდამენტური უფლება - განათლების უფლება. მხოლოდ სკოლის მოსწავლის სტატუსის მოპოვება არ არის საკმარისი ამ უფლების დასაცავად. სკოლა ვალდებულია ყოველდღიურად იზრუნოს თითოეული ბავშვის უფლებების დაცვაზე.
2. სკოლაში უზრუნველყოფილია სასკოლო საზოგადოების წევრების: მოსწავლეების, მოსწავლეთა მშობლების/კანონიერი წარმომადგენლების (შემდგომ „მშობლის“), სკოლის ყველა პერსონალის კანონიერი უფლებების დაცვა. ამ მიზნით:
  - 2.1. სკოლას აქვს შინაგანაწესი;
  - 2.2. სკოლას ჰყავს დისციპლინური კომიტეტი;
  - 2.3. სკოლას ჰყავს უსაფრთხოებაზე პასუხისმგებელი პირი;
  - 2.4. სკოლას ჰყავს ექიმი;
  - 2.5. თითოეულ კლასს ყავს დამრიგებელი;
  - 2.6. სკოლას აქვს სასკოლო სასწავლო გეგმა;
  - 2.7. სკოლას შემუშავებული და შეთანხმებული აქვს უსაფრთხოებისა და საზოგადოებრივი წესრიგის დაცვის წესი და პირობები.
3. სასკოლო საზოგადოების ყველა წევრს უფლება აქვს ჰქონდეს უსაფრთხო გარემო.

### მუხლი 2. მოსწავლის მშობლის კანონიერი უფლებები

1. ინფორმაცია მოსწავლის მშობლის უფლებების შესახებ ყოველი სასწავლო წლის დასაწყისში სკოლის ადმინისტრაციის ან კლასის დამრიგებლის მიერ ელექტრონულად ეგზავნება ყველა მშობელს.
2. თითოეული მოსწავლის მშობელთან სკოლა აფორმებს საგანმანათლებლო მომსახურების ხელშეკრულებას, სადაც დეტალურადაა გაწერილი მხარეთა უფლება-მოვალეობები.

### მუხლი 3. სკოლის შინაგანაწესი

1. თითოეული მოსწავლის მშობელი ვალდებულია იცნობდეს შინაგანაწესს, რომელიც განთავსებულია სკოლის ვებ-გვერდსა და სკოლის შენობაში საინფორმაციო დაფაზე.
2. მოსწავლეების მშობლებს ყოველი სასწავლო წლის დასაწყისში კლასის დამრიგებელი გააცნობს შინაგანაწესს, ასევე შინაგანაწესში შეტანილ ცვლილებებს ცვლილების შეტანიდან 5 სამუშაოდღის ვადაში.
3. თითოეული მოსწავლის მშობელს უფლება აქვს:
  - 3.1. თავისუფლად გამოხატოს საკუთარი აზრი და მოითხოვოს მისი პატივისცემა;
  - 3.2. ხელშეუხებელი იყოს მისი რელიგიური თავისუფლება;
  - 3.3. დაცული იყოს არასათანადო მოპყრობის, უყურადღებობისა და შეურაცხყოფისაგან;
  - 3.4. არ გაამჟღავნოს ინფორმაცია მისი ეთნიკური, რელიგიური, გენდერული იდენტობის შესახებ;
  - 3.5. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას ან მოსწავლის სიცოცხლეს;
  - 3.6. ფლობდეს ინფორმაციას სკოლის მიერ მოსწავლის შესახებ რომელი მონაცემები მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძვლისა და მიზნის მითითებით;
  - 3.7. სკოლის დირექტორთან წარადგინოს საჩივარი/მოთხოვნა სკოლის პერსონალის ან სხვა

მოსწავლის ან სხვა მოსწავლის მშობლის მხრიდან თავისი შვილის უფლებების დარღვევის გამო და მოითხოვოს მიყენებული ზიანის სრული ანაზღაურება;

3.8. თოთოეული მოსწავლის მშობელს უფლება აქვს სკოლის დირექტორის მხრიდან თავისი უფლებების დარღვევის გამო მიმართოს სასამართლოს და მოითხოვოს მიყენებული ზიანის სრული ანაზღაურება;

3.9. მოითხოვოს სკოლის შენობაში შესვლა სკოლის მიერ წინასწარ განსაზღვრულ დროს, ან განსხვავებულ პერიოდში სკოლის ადმინისტრაციასთან შეთანხმებით;

4.0. მოითხოვოს ინდივიდუალური შეხვედრა მასწავლებელთან, სკოლის დირექციის წარმომადგენელთან, სკოლის ფსიქოლოგთან, სკოლის ექიმთან;

4.1. ფლობდეს ინფორმაციას მოსწავლის მიმართ გამოყენებული დისციპლინური ზომების შესახებ.

#### **მუხლი 4. სასკოლო სასწავლო გეგმა**

1. ყველა მშობელს აქვს უფლება იცნობდეს სასკოლო სასწავლო გეგმას. სასკოლო სასწავლო გეგმა განთავსებულია სკოლის ვებგვერდზე [www.stnino-school.ge](http://www.stnino-school.ge).

2. სასკოლო სასწავლო გეგმას ყოველწლიურად შეიმუშავენ სკოლა ეროვნულ სასწავლო გეგმაზე დაყრდნობით.

3. სასკოლო სასწავლო გეგმის ფარგლებში მშობელს უფლება აქვს:

3.1. დააფიქსიროს პოზიცია (დაეთანხმოს ან უარი განაცხადოს), სკოლის მიერ შეთავაზებული უცხოური ენებიდან რომელი უცხოური ენის სწავლებას ისურვებდა III კლასიდან.

3.2. დააფიქსიროს პოზიცია, სკოლის რესურსების გათვალისწინებით რომელი არჩევითი საგნის სწავლებას ისურვებდა X კლასიდან, ხოლო იმ შემთხვევაში თუ მოსწავლეთა უმრავლესობას ექნება იგივე პოზიცია, მოითხოვოს არჩეული საგნის სწავლება;

3.3. დააფიქსიროს პოზიცია ეროვნული სასწავლო გეგმისგან განსხვავებული დამატებითი საგანმანათლებლო ან სააღმზრდელო მომსახურების მიღების შესახებ;

3.4. მოითხოვოს სემესტრული გამოცდა სემესტრული ნიშნის ამაღლების მიზნით პირველი სემესტრის შეფასების შემთხვევაში - მეორე სემესტრის დაწყებიდან ერთი კვირის ვადაში, ხოლო მეორე სემესტრის შემთხვევაში - სემესტრის დასრულებიდან ერთი კვირის ვადაში;

3.5. საშემოდგომო გამოცდის დამლევის მიზნით მოითხოვოს კონსულტაცია შესაბამის საგანში;

3.6. მოითხოვოს მასწავლებლის კონსულტაცია კომპლექსურ დავალებაზე მუშაობის პროცესში;

3.7. კანონმდებლობით დადგენილი ფორმით შინ სწავლებაზე გადასვლის შემთხვევაში მოითხოვოს შინ სწავლება მისთვის მისაღები ფორმით: პირისპირ ან დისტანციურად;

3.8. მიიღოს მონაწილეობა სკოლის მიერ ორგანიზებულ არაფორმალურ აქტივობებში.

#### **მუხლი 5. სხვა უფლებები**

1. თოთოეულ მშობელს უფლება აქვს:

1.1. საჭიროების შემთხვევაში მიმართოს ფსიქოლოგიური მომსახურების ცენტრს <https://befriend.mes.gov.ge/psychologists/>;

1.2. სპეციალური საგანმანათლებლო საჭიროების შემთხვევაში, სკოლისგან დამოუკიდებლად მიმართოს განათლებისა და მეცნიერების სამინისტროს მულტიდისციპლინურ გუნდს;

1.3. სკოლის მიერ მისი ან მისი შვილის უფლებების დარღვევის შემთხვევაში მიმართოს სასამართლოს, საქართველოს კანონმდებლობით დადგენილი წესით.

2. მშობელს არ აქვს უფლება დაწყებით და საბაზო განათლებას ჩამოაშოროს არასრულწლოვანი.

3. მშობელს არ აქვს უფლება უფლებელყოფოს მოსწავლის საბაზისო საჭიროებები.

## **მუხლი 6. სკოლაში მშობლის მიერ სკოლის მხრიდან კანონიერი უფლებების დარღვევის გასაჩივრება**

მოსწავლის ან მოსწავლის მშობლის კანონიერი უფლებების დარღვევის შემთხვევაში, მშობელს შეუძლია იხელმძღვანელოს სკოლის დირექტორის ბრძანებით დამტკიცებული განცხადების/საჩივრის განხილვის პროცედურით.

### **თავი II. სკოლის პერსონალის კანონიერი უფლებები**

#### **მუხლი 7. დასაქმებულის შრომითი უფლება**

1. სკოლაში დასაქმებული თითოეული პირის შრომითი უფლებები დაცულია საქართველოს კანონმდებლობით.
2. დასაქმებულს უფლება აქვს:
  - 2.1. მოითხოვოს უსაფრთხო სამუშაო გარემოს უზრუნველყოფა;
  - 2.2. ისარგებლოს კუთვნილი შვებულებით;
  - 2.3. მიიღოს დროებით შრომისუუნარობის გამო კანონმდებლობით დადგენილი დახმარება;
  - 2.4. მოითხოვოს შრომის ანაზღაურების დროულად და სრულად გადახდა;
  - 2.5. შეწყვიტოს შრომის ხელშეკრულება ხელშეკრულებითა და კანონმდებლობით დადგენილი წესითა და ვადაში.

#### **მუხლი 8. სკოლის შინაგანაწესი**

1. სკოლაში დასაქმებული ყველა პირი ვალდებულია იცნობდეს შინაგანაწესს, ასევე შინაგანაწესში შეტანილ ცვლილებებს ცვლილების შეტანიდან 5 სამუშაო დღის ვადაში.
2. თითოეულ დასაქმებულს უფლება აქვს:
3. იცნობდეს სკოლის საგანგებო სიტუაციებზე რეაგირების გეგმას;
- 3.1. სკოლის დირექტორთან წარადგინოს საჩივარი/მოთხოვნა სკოლის სხვა პერსონალის ან რომელიმე მოსწავლის ან რომელიმე მოსწავლის მშობლის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.2. თითოეულ დასაქმებულს უფლება აქვს მიმართოს სასამართლოს სკოლის დირექტორის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.3. დისციპლინური დევნისას ისარგებლოს დუმილის უფლებით, რაც არ ათავისუფლებს მას დისციპლინური პასუხისმგებლობისაგან;
- 3.4. თავისუფლად გამოხატოს საკუთარი აზრი სკოლაში მიმდინარე პროცესებთან დაკავშირებით;
- 3.5. ხელშეუხებელი იყოს მისი რელიგიური თავისუფლება;
- 3.6. ფლობდეს ინფორმაციას მის შესახებ რომელი პერსონალური მონაცემი მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძვლისა და მიზნის მითითებით;
- 3.7. არ გაამჟღავნოს ინფორმაცია მისი ეთნიკური, რელიგიური, გენდერული იდენტობის შესახებ;
- 3.8. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას;
- 3.9. შეუზღუდავად ისარგებლოს სკოლის სივრცეებით: სამასწავლებლო, ბიბლიოთეკა და ა.შ.
- 3.10. თავისუფლად შეიკრიბონ სკოლის ტერიტორიაზე კანონით დადგენილი წესით სკოლის წინასწარი შეტყობინების საფუძველზე;
- 3.11. ფლობდეს ინფორმაციას სკოლის ბიუჯეტისა და წლიური სამოქმედო გეგმის შესახებ.

### **მუხლი 9. სასკოლო სასწავლო გეგმა**

1. სკოლის ყველა პერსონალს აქვს უფლება იცნობდეს სასკოლო სასწავლო გეგმას, რომელიც განთავსებულია სკოლის ვებგვერდზე. გამონაკლისს წარმოადგენს ინდივიდუალური სასწავლო გეგმები, რომლის გაცნობის უფლება აქვთ მხოლოდ უფლებამოსილ პირებს.

2. მასწავლებელს უფლება აქვს:

- 2.1. ობიექტური მიზეზების გამო უარი თქვას მოსწავლის შინ სწავლებაზე პირისპირ მეთოდით;
- 2.2. მიმართოს სკოლის ადმინისტრაციას შესაბამისი სასწავლო რესურსების (თვალსაჩინოება, დამატებითი სახელმძღვანელო, მეთოდური რესურსი) შეძენის მოთხოვნით;
- 2.3. აიმაღლოს კვალიფიკაცია, რისთვისაც 6 წელიწადში ერთხელ უფლებამოსილია მოითხოვოს ანაზღაურების გარეშე შვებულება 1 წლამდე ვადით, სამუშაო ადგილის შენარჩუნებით.

### **მუხლი 10. სკოლაში პერსონალის მიერ სკოლის მხრიდან მათი კანონიერი უფლებების დარღვევის გასაჩივრება**

პერსონალის კანონიერი უფლებების დარღვევის შემთხვევაში, მას შეუძლია იხელმძღვანელოს სკოლის დირექტორის ბრძანებით დამტკიცებული განცხადების/საჩივრის განხილვის პროცედურით.

### **მუხლი 11. გარდამავალი დებულებები**

1. პერსონალისა და მშობლის/კანონიერი წარმომადგენლის კანონიერი უფლებების დაცვის მექანიზმებს ბრძანებით ამტკიცებს სკოლის დირექტორი.
2. წინამდებარე დოკუმენტში ნებისმიერი ცვლილებისა და დამატების განხორციელება ხდება დირექტორის ბრძანებით.